

MAVZU: PROFESSIONAL TA'LIM-ZAMON BILAN HAMNAFAS.



Umaraliyeva Muazzamxon Begishovna

Xo`jaobod Abu Ali ibn Sino Jamoat salomatligi texnikumi Kasbiy fan o`qituvchisi

Annotatsiya: Maqolada jamiyatimizning hozirgi rivojlanish bosqichida professional ta'lim tizimida yoshlarni mehnat bozori ehtiyojlari asosida zamonaviy va sifatli kasbga o'qitish tizimini Yevropa standartlari asosida joriy etilishida Xo`jaobod Abu Ali ibn Sino Jamoat salomatligi texnikumi faoliyati yoritib berilgan.

O'zbekiston Respublikasi Prezidentining "Mehnat migratsiyasi jarayonlarini takomillashtirish hamda xorijda vaqtincha mehnat faoliyatini amalga oshirayotgan shaxslarni qo'llab-quvvatlashga doir qo'shimcha chora-tadbirlar to'g'risida" 2024-yil 4-apreldagi PF-59- son Farmoni ijrosini ta'minlash, shuningdek, yoshlarni chet tillarini o'rganish va kasb egallashiga bo'lgan qiziqishlarini qo'llab quvvatlash, ularni ichkiva tashqi mehnat bozorida raqobatbardosh kadrlar sifatida tayyorlash tizimini takomillashtirish hamda xorijiy davlatlarda ishlash imkoniyatlarini kengaytirish maqsadida Xo`jaobod Abu Ali ibn Sino Jamoat salomatligi texnikumida keng ko'lamli ishlar olib borilmoqda.



Jamiyatning ijtimoiy shakli qanday bo'lishidan qat'i nazar, mehnat moddiy va



nomoddiy ne'matlar ishlab chiqarishda zarur faoliyat bo'lib qoladi. Zamonaviy bilim olish hamda mehnat bozorida talab yuqori bo'lgan kasb-hunar egallash istagida bo'lgan yoshlarning ta'lim olishi uchun keng imkoniyatlar yaratish, mamlakatimiz aholisini, bugungi kun yoshlarini intellektual hamda kasbiy mahoratini

rivojlantirishga bo'lgan intilishlarini rag'batlantirish va qo'llab-quvvatlash, va sharoit yaratib berish asosiy vazifalardan birdir.



Prezidentimiz Sh.M.Mirziyoyev ta'kidlaganidek, iqtisodiy islohotlar va ijtimoiy o'zgarishlarning samarasi, birinchi navbatda, aholining moddiy ahvoli va farovonligiga, uning hayot darajasi hamda sifatiga qay darajada ta'sir ko'rsatayotgani bilan o'lchanadi. O'zbekiston Respublikasi Prezidenti Sh.M.Mirziyoyevning 2022-yil 20-dekabrda Oliy Majlisga va O'zbekiston xalqiga Murojaatnomasida



ta'kidlaganidek, odamlarimizni kasb-hunarli qilish, ularning biznesiga keng yo'l ochish, haqiqiy mulkdor bo'lib, daromad topishi uchun zarur sharoitlarni yaratish davlatning asosiy vazifalaridan biri hisoblanadi. Inson, uning har tomonlama uyg'un kamol topishi hamda farovonligi, shaxs manfaatlarini ro'yobga chiqarishning sharoitlarini va ta'sirchan mexanizmlarini yaratish respublikada amalga oshirilayotgan islohotlarning asosiy maqsadidir.

Xalqaro mehnat bozoridagi talab va taklifning o'zgarishi, globallashtirish va integratsion jarayon tezlashishi, raqamlashtirish, sanoatdagi texnologik inqiloblar inobatga olinsa, shunga mos ravishda zamon talablariga javob bera oladigan ko'nikma va malakaga ega, raqobatbardosh mutaxassislarni tayyorlash masalasining dolzarbligi yanada oshadi. Kasb-hunarga o'qitishni tizimli isloh qilishning ustuvor yo'nalishlarini belgilash, mehnat bozorida ehtiyoj bo'lgan va yangi



istiqbolli kasblar bo'yicha zamonaviy bilim va yuksak

ma'naviy-axloqiy fazilatlariga ega, mustaqil fikrlaydigan malakali kadrlarni kasb-hunarga o'qitish jarayonini yangi bosqichga ko'tarish hamda zamonaviy ta'lim texnologiyalari asosida o'quv jarayonlarini tashkil qilish maqsadida Xo'jaobod Abu Ali ibn Sino Jamoat salomatligi texnikumida keng qamrovli ishlar amalga oshirilmoqda. Yoshlarni kasbga yo'naltirish va kasblar to'g'risida tushunchaga ega bo'lishi uchun nazariy bilimlarini ta'lim muassasasida, amaliy ko'nikmalarni esa tibbiyot muassasalarida egallash imkoniyati yaratilgan.

Ma'lumki, bugungi shiddat bilan rivojlanib borayotgan asrimizda yoshlarning har tomonlama puxta bilim egallashi, zamonaviy kasb-hunar sirlarini chuqur o'rganishi, shu bilan birga chet tillarini o'rganib borish dolzarb ahamiyatga ega. Yoshlarni xorijiy ish beruvchilarning malaka talablariga javob beradigan



mutaxassislar tayyorlash maqsadida ta'lim muassasasida nemis va ingliz tili o'quv kurslari tashkil etilgan. O'tgan qisqa vaqt ichida yoshlar, ayniqsa, ishsiz aholi qatlamini bu tizimga jalb qilish, uyda o'tirgan ayollarni Oila hamshirasi, Kompyuter savodxonligi kabi qisqa o'quv kurslari tashkil qilingan.

Xulosa: Mehnat bozorining rivojlanishi tendensiyalarini inobatga olgan holda, aholining keng qatlamlarini talab yuqori bo'lgan kasblarga o'qitish va malakali kadrlarni tayyorlashning sifat jihatidan yangi tizimini joriy etish hamda mehnat resurslari balansini shakllantirish tartibini takomillashtirish, kasb-hunarga o'qitish davlat buyurtmasini hududiy investitsiya dasturlari asosida yaratilayotgan ish o'rinlarini inobatga olgan holda shakllantirish, jumladan, yoshlarni ishga joylashtirish va qabul qilish, ularni kasbga o'qitish, malakasini oshirish hamda qayta tayyorlash bo'yicha xizmatlarini taqdim qilishni rejalashtirish lozim.

Foydalanilgan adabiyotlar ro'yxati:

1. Mirziyoev SH. "Yangi O'zbekistonning taraqqiyot strategiyasi". – Toshkent: "O'zbekiston" nashriyoti, 2021.
2. O'zbekiston Respublikasi Prezidenti SH.M.Mirziyoevning O'zbekiston Respublikasi Oliy Majlisiga Murojaatnomasi. – Toshkent 2022 yil, 20 dekabr.
3. O'zbekiston Respublikasining 2020 yil 20 oktyabrdagi "Aholi bandligi to'g'risida"gi O'RQ- 642-son Qonuni.
4. O'zbekiston Respublikasining 2020 yil 23 sentyabrdagi "Ta'lim to'g'risida"gi O'RQ-637-son Qonuni.
5. O'zbekiston Respublikasining 2022 yil 28 oktyabrdagi "Mehnat kodeksini tasdiqlash to'g'risida"gi O'RQ-798-son Qonuni.

Internet saytlari:

1. www.iupr.ru
2. <http://www.ziyonet.uz>
3. <http://www.lex.uz>

